



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Thronus Dei Maria Deipara**

**Spinelli, Pietro Antonio**

**Coloniæ Agrippinæ, 1696**

Viduæ, quæ ad secundas nuptias nulla ratione adduci potuerunt. n. 85.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

VIDUAE, QVAE AD SECVN-  
das nuptias nulla ratione adduci po-  
tuerunt.

Quid porro dicemus de viduis, quæ nullis sollicitationibus, vel precibus ut ad secundas nuptias transirent, adduci potuerunt: sed cœlibem vitam ducentes fructum castitatis sexagesimum viduis, *Quæ* (ut loquitur Apostolus) *verè viduæ sunt*, in cœlis tribuendum reportare maluerunt: cum verò earum innumera existant exempla, omnibusque satis explorata, in præsentia paucissimas commemorandas duximus, eas enim ad quintam hujus sectionis classem pertinere diximus.

Sancta Natalia sancti Adriani martyr. uxor, cum post viri necem, à quodam Tribuno voluntate Maximiani Imperatoris in conjugem propter venustatem, & divitias vehementer expeteretur, triduanis acceptis induciis, cœlitus monita, conscensa navi Constantinopolim fugit nequicquam insequente Tribuno ibique ad mariti sepulchrum orans per visum ad cœlestia invitata, valedicens omnibus in pace quævit. cujus memoria 1 Martii apud Martyrologium recolitur.

Sancta Marcella Romana foemina nobilissima sanctitate, & eruditione clarissima fuit, cujus etiam sanctus Hieronymus epistola decima sexta ad Principium eleganter complexus est, hæc septimo à nuptus mense viro orbata Cereali Consule eam in uxorem petente, suasque ei tamquam filia pollicente divitias rejecto, æternæ se pudicitiaë dedicavit. Ab Athanasio, & postea à Petro Alexandræ Episcopo vitam Beati Antonii adhuc viventis edocta, prima in Urbe monasticam disciplinam professæ est, cujus clara est memoria in Martyrologio die trigesimo primo Januarii, obiit autem circa annum Domini quadringentesimum decimum.

Euphrasia, quæ ut supra diximus, cum viro Antigono unica suscepta filia Euphrasia, castè vixit, eo defuncto, cum adhuc juvenis esset, & ab Augusta luseretur, ut alteri Senatori eam petenti nubret, verita ne ad hoc compelleretur, cum filia clam ex Urbe Constantinopoli in Ægyptum, ubi bona sua erant, se contulit, ibique filia septenni in mo-

nialium monasterio collocata, non post multum temporis ex hac luce migravit.

Sancta Theodora, ut supra sectione sexto diximus, una cum tribus liberis Chulstum coram Diocletiano confessæ ad Leucadi conjugium, cui eam petenti in uxorem Diocletianus concesserat, ut hac ratione eam à Christo avocaret, nullis precibus, vel artibus adduci potuit. Quare à Proconsule Bithyniæ ad Lupanar damnata, & divinitus servata pro Christo simul cum filis igne crematur. cujus memoria in Martyrologio die 2. Augusti recensetur, ejus martyrium apud Surium in actis sanctæ Anastasiæ 25. Decembris plenus commemoratur.

Sancta Galla Simmachi Consulis filia adolescentula viro suo à nuptiis intra annum extincto, dum ad iterandum thalamum opes, ætasque vocarent; & quod magis est, Medici propter igneam quandam corporis conspersionem affimarent, eam barbam emissuram nisi ad viriles amplexus rediret, (quod ita post factum est;) ipsa tamen abjecto sæculari habitu, divino obsequio in monasterio apud sancti Petri Ecclesiam sese tradidit, ubi multis annis orationi, eleemosynis, jejuniis, aliisque sanctis operibus intenta, felicissime ad cœlestem sponsum sancto Petro vocante transivit. cujus vitam sanctus Gregorius 4. dialog. capite decimo tertio scripsit, & in Martyrologio ejus memoria recensetur, Octobr.

Sancta Elisabeth Regis Hungariæ filia Langravii Thuringiæ Principis uxor, ne casti propositi merito etiam conjugata privaretur, susceptis nonnullis liberis, superflite adhuc viro castitatis votum emisit, si viro supervixisset, quo ex hac luce subtraheretur, Episcopus Bambergensis sanctæ Elisabethæ avunculus eam viduam alteri Principi despondere d sponnebat. cumque nonnulli timerent eam Episcopi voluntati obniti non posse, constanter respondit, se vim minime timere, cum liberum ei esset, & voluntate dissentire, & nam sibi ad dehonestandam faciem præcidere. Et quoniam sancta hæc Elisabeth, & virgo, & uxor, & vidua mira pietatis laude insignis fuit; idè à Prætoribus ejus caput triplici corona insignitur. quam in uno quoque statu merito sibi vendicet. obiit autem anno 1231. ætatis 24. quadriennio ab obitu mariti, quem.

G g g g g

admo-

Ad Lupanar damnata divinitus servatur.

S. Petro invocante ad cœlestem patriam emigravit.

1. Tim. 5.

admodum testatur Lipsius in libro de Diva Virgine Halleasi cap. 2. quam Gregorius IX. Pontifex sanctarum catalogo ascripsit anno salutis 1235.

Sancta Rictrudis Martianensis nobilissima ex Adalbaldo patris nobilitatis viro, cum aliquot suscepisset liberos primogenitum Maurontum, (qui dum regis negotiis obsequeretur, sancti Amardi Episcopi consilio sponsa, quam ei dare volebant, renunciata, Monachus primum, postea Abbas effectus,) & tres alias filias sanctas virgines, quarum festione 7. mentionem fecimus, Chrosendem, Eufebiam, & Adalindem: verum ejus marito ab improbis quibusdam interempto, (qui sanæ exiit probitatis, ut ad sua sacra ossa

non raro signa fiat,) nullis Dagoberti Regis blanditiis, vel minis adduci potuit, ut uni ex suis optimatibus secundo nuberet: sed imposito sibi velo à sancto Amardo consecrato, facultatibus prudenter distributis, se totam Dei obsequio in sanctimonialium monasterio Martianensi tradidit, tres vero filias suas in ætate adhuc tenera Christo despondit. Denique Rictrudis in Christianis virtutibus magnos progressus faciens sanctè ex hac vita decessit die duodecimo Maji anno ætatis suæ septuagesimo quarto, cujus vita extat apud Surium tom. 3.

Atque hæc de iis, qui purissimam Virginis Deiparæ virginitatem sua virginitate, vel continentia imitari studuerunt.

*Finis Tractatus de Virginibus.*



INDEX